

浙江文叢

國權

〔第十二冊〕

浙江出版聯合集團
浙江古籍出版社

浙江文叢

國權

〔第十二冊〕
卷三十六至卷三十八

〔明〕談遷 著

浙江出版聯合集團
浙江古籍出版社

國權

起弘治十八年六月

盡正德二年

武宗承天達道英肅睿哲昭德顯功宏文思孝毅皇帝御
諱厚照

孝宗敬皇帝嫡長子也母皇后張氏弘治辛亥九月生明
年三月立為皇太子戊午既冠出閣就學受書甚習能
識宮僚名氏或偶不入直必問其故常輟朝日學士某
候東花帶語左右曰是在朝且被糾矣其聰穎類此孝

宗數幸春坊閱所業迎送如禮甚愛之游幸必從間好
騎射孝宗乙丑五月庚寅顧命輔臣極稱上質美善輔
之五月辛卯孝宗崩

壬辰頒遺詔

癸巳罷營軍工役

南京兵部右侍郎金澤為南京右都御史秩滿雖吏部
前具題而諒陰遽命下物論囂然

甲午寧夏衛及廣武營地震酉刻木星晝見

乙未命禮部左侍郎李傑欽天監副倪謙擇山陵

丙申夜月犯房宿金木合於星宿

己亥下太監張瑜太醫院使施欽院判^劉文泰御醫高廷和等下詔獄孝宗先帝禱雨觸寒瑜等不診視遽棄之鼻血致大故英國公張懋等及給事中王宸薛金御史陳世良等劾其罪廷鞫之張瑜劉文泰等論死坐結交內官律不用令和御藥正條卒脫死

壬寅皇太子即皇帝位詔曰維我皇明誕受天命為天下民物主祖宗列聖鴻規大訓傳在子孫皇考嗣統十有八年深仁厚德覃被海內治化之盛在古罕聞間復憫念民窮勵精新政訪求利弊方將大有興革綸音未布遽至彌留叩地籲天無所逮及天下之慟矧予一人

比者親承遺命謂主器不可久虛而宗親文武群臣軍民耆老累箋勸進拒之至再情益懇切永惟宗社重寄不敢固辭謹以是月十八日祇告天地宗廟社稷即皇帝位顧國家創造之艱眇躬負荷之重惟正道是遵惟固訓成憲是守率皇考未終之志擴而行之康我兆民登於至治其以明年為正德元年大赦天下與民更始所有合行事宜條列於後於戲天位至重民事至艱尚賴中外臣僚協心匡輔以裨朕之不逮用克紹先業共保億萬年無疆之休誕告萬民咸使知悉

正德魯見西夏主乾順吏部試選人
論有宰相須用讀書人以刺時宰

建寧大水壞城舍

乙巳減葬儀真器

丁未令太監扶安李興覃覲禮部右侍郎王華少卿吳
昊詳定山陵

戊申火節大舉寇宣府由新開口至虞臺崩屯牛心山
黑柳林列營二十里巡撫李進總兵張俊令分兵軍新
河柴溝凡萬五千人已敵毀垣入左叅將李楷迎戰副
總兵白玉黃鎮萬全右衛游擊張雄大同游擊將軍穆
榮各拒於虞臺崩敵縱數騎嘗我軍玉置營高阜敵笑
曰彼自處乾地可大敗也乃合圍絕汲道止留隘地一

隅張俊不知其計以三千人至萬全右衛城左墜馬傷足授兵都指揮曹泰至應州鹿角山王等被圍絕飲食掘井十餘丈不得泉飲馬澀而咀其矢會大雨雹以救解稽亦潰圍出獨雄榮阻山間遇害喪卒二千一百六十五人失馬六千五百餘匹他物稱是俊等退敵躡其後僅得入萬全右衛城告急命都指揮陳雄張澄俱為右叅將各率京營二千人往又告急復命都督李俊神英充叅將各二千人往人賜二金二布時敵至宣府城下出懷中餅及麻布冠示人曰此何物也蓋北謀入京得之閑禁不嚴如此

嚴從簡曰按此漢胡勝哀之候我國家養兵百年極
盛而燔一大變也合宣大之良殲於一旦至今六十
餘年而創痍之疾呻吟之聲往往在人耳目邊軍緣
此逡巡畏敵無復迎戰矣

庚戌命太監苗達監軍保國公朱暉為征北大將軍總
兵右都御史史琳提督軍務太監張林理神鎗砲銃都
督同知李俊都督僉事神英為左叅將都督指揮陳雄
都指揮僉事張澄為右叅將禦寇宣府戶部右侍郎王
儼兼右僉都御史治餉

辛亥太白經天

壬子禮部尚書張昇請嚴宮殿門之禁斥逐真人陳應
禎西番灌頂大國師那卜堅叅及班丹羅竹等奪印誥
追賞賜從之

益苗達京兵六千人命武定侯郭良懷寧侯孫應爵練
營兵待援仍博舉勇略

六月甲寅朔募宣府土兵禦胡

乙卯上御西角門視事百官奉慰

命都督李果都指揮劉祥為游擊將軍各率兵五千赴
宣府兵部尚書劉大夏英國公張懋及給事中御史嚴
團營

丙辰翰林侍講張潔為侍讀學士檢討石瑤為脩撰
討思恩土官岑濬平之濬好劫殺逐田州土知府岑猛
總督兩廣左都御史潘蕃太監常經總兵毛銳合兵十
萬八千餘人分六哨抵其巢濬死斬首四千七百九十
級後廣西右布政使馮鵠言土兵道掠甚於岑濬乞後
不得輕調下兵部

泰寧等兀良哈滿蛮等為迤北所侵避內地命撫卹之
經畧山海關工部右侍郎李鏈還朝

丁巳裁華亭丹徒丹賜金壇治農縣丞

設豫旺城平鹵守禦千戶所城去常州蠡山僅百里套

寇出入必由之從都禦史楊一清之請也

立潮河川新營於古北口外閑

定幼軍解補開豁例

戊午大賚文武軍民匠人等

定泰寧勅太監李興新寧伯譚祐工部左侍郎李鐸督
工已吏部考功主事慈谿楊子器言大行山陵有水石
興不悅糾其妄命司禮太監及禮工部覆視遂下子器
錦衣獄皇太后聞而釋之

火節犯蔚州廣昌趣保定兵赴紫荆等閑

裁瓜洲水驛去京口驛近故

已未故貴州都指揮僉事史輔郭仁李宗武都指揮使
李雄俱贈都督同知

征米魯死盤江

庚申上大行皇帝尊謚建天明道純誠中正聖文神武
至仁大德敬皇帝廟號孝宗頒詔天下輔臣議孝為百
行之首敬為萬善之源庶盡之

辛酉團操畿內軍餘民兵永平保定真定河間大名各
千人廣平順德各五百人

癸亥頒謚詔賚親王南京官

寧夏固原環縣地震寧夏尤甚有聲如雷

甲子監察御史李良請擇近侍召對大臣翰林官倖直

備顧問上是之

工部右侍郎張達卒達泰和人天順八年進士授工部主事歷南京光祿卿純樸不事表飾居官鮮玷或問其粗率笑而不問其渾厚類此

工科都給事中王鎮等乞裁錦衣衛帶俸畫士蕭增等革工匠濫陞下所司

丙寅大理寺左少卿張泰錦州衛都指揮達順巡撫都御史周季麟會計薊州草場

丁卯夜月犯天狗星

戊辰巡撫湖廣都副都御史韓重為南京兵部右侍郎

故太子少保南京兵部尚書張悅贈太子太保

庚午占城國王子沙古卜洛遣沙不登古魯來貢求封
父古來沒不明言且請復安南侵地給事中任良弼等
言古來存沒虛實難料宜勘明遣使廣東令領勅歸國
不宜輕聽因引給事中林霽使滿刺加不肯北面屈膝
幽餓以死而不能問其罪為証上從之

談祺曰按林霽使節史諱不書惟成化壬寅七月命
刑科給事中林霄行人姚隆往封暹羅霄卒其國弘
治甲寅三月錄子菲太學或良弼誤霄為霽誤暹羅
為滿刺加乎識此以俟博洽者正之

辛未前太子太保禮部尚書徐瓊卒金谿人天順丁丑進士及第授編脩成化丁亥進侍講至前官和易敦樸文暢瞻時有警語然才短無建明嘗置妾與椒房有連孝廟特擢尚書論者謂攀附竟引去

壬申威州地震

癸酉徽王見沛薨謚莊王

甲戌提督撫治勦陽右副都御史王鑑之改巡撫湖廣贊理軍務提督河道右通政韓昇為通政使理易州山廠

乙亥劉大夏請罷均州鎮守太監齊元及沿邊監槍分

守守脩內臣遂撤齊元餘議裁

丙子河州大雷雨石崖山崩約移七八里裂為溝

戊寅刑部右侍郎李士賈疾去

安奎呂紳任惠邊貢王紳陳霆徐暹為給事中惠暹南
京

復沙河縣於舊治縣當孔道避役遷僻地十數年泉涸
非便至是復之

庚辰召南京太僕寺卿陳壁蒞江左叅政歸福

劉大夏薦

科道交劾禮部右侍郎王革

典文招議

太常寺卿尊翰林學

士張元禎

奸貪附勢

通政使右叅議熊偉囑託取財署鴻臚